

# **RREGULLORE MBI PROCEDURAT PËR DHËNIEN E PËRJASHTIMIT PËR INFRASTRUKTURËN E RE TË GAZIT NATYROR**

## **KAPITULLI I – DISPOZITA TË PËRGJITHSHME**

### **Neni 1**

(Qëllimi)

- (1) Objektivi i kësaj Rregullore është të sigurojë nxitjen e investimeve në infrastrukturën kryesore të re ndërkohë që siguron funksionimin si duhet të tregut të gazit natyror.
- (2) Qëllimi i kësaj Rregullore është të përcaktojë rregullat për një procedure përjashtimi transparente, jo – diskriminuese dhe të arsyetuar në përputhje me rregullat e Paketës së Tretë të Energjisë elektrike, që përfshijnë rolin e Entit Rregullator të Energjisë (këtu dhe më poshtë – “ERE”).

### **Neni 2**

(Fusha e Veprimit)

- (3) Kjo Rregullore aplikohet për përjashtimin e infrastrukturës kryesore të re më poshtë: interkonjektorët midis Shqipërisë dhe Palët e tjera të Komunitetit Energjisë, Gazit Natyror të Lëngshëm dhe hapësirat e depozitimit të përshkruara në Nenin 3 me poshtë.

- (4) Rregullorja përcakton kërkesat e procedurave për përjashtimin e infrastrukturës kryesore të re, përfshirë termat dhe kushtet për paraqitjen e dokumentave, të dhënave dhe informacioneve në ERE.
- (5) Në këtë Rregullore të gjitha termat janë përdorur sipas kuptimit të përshkruar tek Ligji nr. 102/2015 “Për Sektorin e Gazit Natyror” (këtu dhe më poshtë: “Legjislacioni”) dhe do të aplikohet në përputhje me aktet ligjore të cilat rregullojnë procedurat e brendshme dhe organizimin e ERE në konsultim me Sekretariatën e Komunitetit të Energjisë (këtu dhe më poshtë “Sekretariati”).

## **KAPITULLI II – Aplikimi për Përjashtimin**

### **Neni 3**

#### **(Aplikimi për Përjashtimin)**

- (1) Infrastruktura kryesore e re e gazit, siç është interkonjeksi midis Shqipërisë dhe vendeve të tjera të Komunitetit të Energjisë, LNG dhe hapësirat e depozitimit, mundet që sipas kërkesës të përjashtohen nga ERE nga dispozitat e Paragrafit 1 të nenit 16, paragrafi 5 neni 33, nënparagrafet dh) dhe e) paragrafi 1 neni 17 dhe nenet 36, 42, 63, 64 dhe 71 të Ligjit, sipas kushteve të mëposhtme:
  - a. investimi duhet të rrisë konkurrencën në furnizimin me gaz dhe të forcojë sigurinë e furnizimit;
  - b. niveli i rrezikut i bashkangjitur investimit është i tillë që investimi të mos bëhet nëse nuk është dhënë përjashtimi;
  - c. infrastruktura duhet të jetë në pronësi të një personi i cili është i ndarë të paktën për sa i përket formës së tij ligjore nga operatorët e sistemit në sistemet e të cilëve do të ndërtohet infrastruktura;
  - d. tarifat u vendosen përdoruesve të asaj infrastrukture;
  - e. përjashtimi nuk e dëmton konkurrencën ose funksionimin efektiv të tregut të brendshëm të gazit, ose funksionimin eficient të sistemit të rregulluar me të cilin është i lidhur infrastruktura.
- (2) Paragrafi 1 i këtij neni zbatohet gjithashtu për rritjen e konsiderueshme të kapacitetit në infrastrukturat ekzistuese dhe për modifikimet e infrastrukturave të tilla që mundësojnë zhvillimin e burimeve të reja të furnizimit me gaz.
- (3) ERE, sipas rastit mund të vendosë mbi përjashtimin referuar paragrafeve 1 dhe 2 të këtij neni sipas kriterëve të vendosura në këtë nen.

## **KAPITULLI III – PARAQITJA E DOKUMENTAVE, TË DHËNAVE DHE INFORMACIONIT**

### **Neni 4**

(Lista e dokumentave, të dhënave dhe informacionit)

- (1) Aplikuesi, së bashku me aplikimin me shkrim për përjashtimin e infrastrukturës kryesore të re, duhet të paraqesë në ERE dokumentat e mëposhtëm për të arsyetuar kërkesën për përjashtimin. Ky informacion duhet të përfshijë por nuk duhet të kufizohet tek:
  - a) Paraqitja e përshkrimit të infrastrukturës kryesore të re për të cilën është dhënë përjashtimi;
  - b) Dispozitat nga Ligji nga të cilat kërkohet përjashtimi;
  - c) Relacionin për pjesën e përjashtuar të infrastrukturës kryesore të re;
  - d) Kohëzgjatjen e përjashtimit të kërkuar për çdo dispozitë nga pika b) e këtij paragrafi
  - e) Analiza teknike-ekonomike e projektit:
    - i. studimi i fizibilitetit për infrastrukturën kryesore të re,
    - ii. rezultatet e testimit të tregut që vërtetojnë interesin e tregut në përputhje me nenin 78 paragrafi 11 të Ligjit,
    - iii. analiza e kriterëve të përjashtimit bazuar në të dhënat e projektit të infrastrukturës dhe testimit të tregut;
  - f) paraqitja e një propozimi për çmimin për përdorimin e infrastrukturës dhe evolucionin e tij gjatë kohëzgjatjes së përjashtimit, në rast se kërkohet përjashtim nga aksesimi i rregulluar i palëve të treta (TPA).
  - g) të dhënat dhe informacioni për aplikuesin nga Neni 5 i Rregullores.
- (2) Të gjitha dokumentat, të dhënat dhe informacioni që kërkohet sipas këtij neni duhet të paraqitet në ERE në shqip dhe në gjuhën Angleze me shkrim dhe në mënyrë elektronike.

### **Neni 5**

(Të dhënat dhe informacioni mbi aplikuesin)

- (1) Aplikuesi duhet të paraqesë në ERE të dhënat dhe informacionin më poshtë:
  - a) Kopje të noterizuara të dokumentave mbi përfshirjen dhe regjistrimin;
  - b) Listën e të licensuara, lejet dhe/ose autorizimet e marra nga aplikuesi për veprimtarite në sektorin e energjisë elektrike të dhëna nga autoritetet e vendeve të tjera dhe kopje të noterizuara të këtyre liçensave, lejeve dhe/ose autorizimeve;
  - c) Listën e aksionerëve përfshirë informacionin në lidhje me aksionet dhe të drejtat e aksionerëve;
  - d) Listën e shoqerive tregëtare, të cilat janë në kontroll të drejtpërdrejtë ose jo nga shoqeria që po aplikon, po ashtu duke shpjeguar qartë mënyrën e kontrollit dhe të drejtat përkatëse të aplikuesit;
  - e) Listën e shoqerive tregëtrae, të cilat kanë kontroll direkt ose jo tek aplikanti dhe shpjegojnë qartë mënyrën e kontrollit dhe të drejtat respektive të këtyre kompanive;

- f) Listën e shoqërive të tjera tregëtare që kanë lidhje (që do të thotë grupe kompanish që kanë lidhje), të cilat tregojnë mënyrën e marrëveshjeve të vecanta me aplikuesin;
- (2) Nëse më shumë se një shoqëri po aplikon për përjashtimin, të gjitha shoqëritë do të konsiderohen si aplikues për të dhënat dhe informacionin dhe secila prej tyre duhet ta paraqesë atë në ERE.
  - (3) Në çdo kohë gjatë periudhës së përjashtimit ERE dhe sipas rastit Sekretariati mund ti kërkojnë aplikuesit dokumenta shtesë, të dhëna dhe/ose informacion përkatës për përjashtimin
  - (4) Aplikuesi duhet të njoftojë ERE për çdo ndryshim tek dokumentat e paraqitur, tek të dhënat dhe/ose informacioni menjëherë, por në çdo rast jo më vonë se (5) pesë ditë pune pasi ka ndodhur ndryshimi dhe duhet të paraqesë dokumentat, të dhënat dhe/ose informacionin e ndryshuar.
  - (5) Të gjitha dokumentat duhet të jenë kopje origjinale dhe/ose kopje të noterizuara.
  - (6) Aplikanti duhet të sigurojë përjashtimet për kërkesat e vendosura në Nenin 4 dhe tek ky nen i cili në kohën e aplikimit nuk ka përfunduar.
  - (7) Para se të vendoset për përjashtimin, ERE në çdo kohë mund të kërkojë informacion shtesë nga aplikuesi.

## **KAPITULLI IV – PROCEDURA E PËRJASHTIMIT**

### **Neni 6**

(Procedurat që aplikohen dhe përjashtimi)

- (1) ERE duhet të vendosë mbi përjashtimin bazuar në Nenin 78 të Legjislacionit dhe procedurave të caktuara në këtë Rregullore
- (2) Në rastin kur infrastruktura në fjalë është me vendndodhje në një ose më shumë se Palë të Komunitetit të Energjisë, Bordi Rregullator i Komunitetit të Energjisë duhet të paraqesë një opinion këshillues për ERE dhe Autoritetin Rregullator të një shteti tjetër anëtar të BE ose Palën Kontraktore të Komunitetit të Energjisë të përfshirë, që mund të përdoret si bazë për vendimin e tyre mbi përjashtimin, brenda 2 (dy) muaj nga data kur kërkesa për përjashtimin është bërë nga autoritetet rregullatore.
- (3) Në rastin kur autoritetet rregullatore të përfshira bien dakord mbi kërkesën për përjashtimin brenda 6 (gjashtë) muaj nga data kur është marrë nga autoriteti rregullator i fundit, ata duhet të informojnë në varësi të situatës, Bordin Rregullator të Komunitetit të Energjisë mbi vendimin e tyre.
- (4) Bordi Rregullator i Komunitetit të Energjisë duhet të ushtrojë të gjitha detyrat që u janë ngarkuar autoriteteve rregullatore të shteteve anëtare të BE dhe Palëve Kontraktore të Komunitetit të Energjisë të përfshira tek ky nen:
  - a) në rastin kur të gjitha autoritetet rregullatore të përfshira nuk kanë qënë në gjendje të arrijnë në një marrëveshje brenda një periudhe prej 6 (gjashtë) muaj nga data kur kërkesa për përjashtimin është marrë nga autoriteti rregullator i fundit;
  - b) sipas një kërkesë të përbashkët nga autoritetet rregullatore të përfshira.
- (5) Të gjithë autoritetet rregullatore të përfshira mund të kërkojnë së bashku që periudha referuar nënparagrafit a) paragrafi 6 i këtij neni duhet të zgjatet deri në 3 (tre) muaj.

- (6) Pavarësisht paragrafit 3 Neni 3 i Rregullores, ERE mund të aplikojë tek Bordi Rregullator i Komunitetit të Energjisë për të paraqitur opinionin e tij mbi kërkesën për përjashtimin, me qëllim të vendimit zyrtar. Ky opinion do të publikohet së bashku me vendimin.
- (7) ERE duhet ti paraqesë Sekretariatit të Komunitetit të Energjisë dhe në varësi të situatës Komisionit të BE, në rastin kur një shtet anëtar është i përfshirë, në kohë, një kopje të çdo kërkesë për përjashtimin ashtu si është marrë kërkesa. Vendimi do të njoftohet në kohë nga ERE Sekretariatit të Komunitetit të Energjisë së bashku me informacionin përkatës në lidhje me vendimin. Ky informacion duhet ti paraqitet Sekretariatit i plotë që Sekretariati të marrë një vendim të bazuar.
- (8) Brenda dy (2) muajve pas datës kur është marrë njoftimi, referuar paragrafit (2) të këtij Neni, Sekretariati do të shpërndajë Opinionin në ERE dhe do ta ftojë këtë të fundit të ndryshojë ose të tërheqë vendimin për dhënien e përjashtimit. Kjo periudhë dy mujore mund të zgjerohet me një periudhë shtesë prej dy muaj në rastin kur kërkohet informacion tjetër nga Sekretariati i Komunitetit të Energjisë. Kjo periudhë shtesë fillon ditën pas marrjes së informacionit të plotë. Periudha fillestare prej dy muajsh mund të shtohet me miratim të Sekretariatit të Komunitetit të Energjisë dhe të ERE. Në mungesë të një opinioni nga Sekretariati, brenda periudhës së caktuar tek ky dokument, mendohet se Sekretariati nuk ka kundërshtime në lidhje me vendimin e ERE.
- (9) Kur informacioni i kërkuar, siç përcaktohet në paragrafin (3) të këtij neni, nuk është dhënë brenda periudhës së përcaktuar në kërkesë do të konsiderohet se njoftimi i dërguar në përputhje me paragrafin (2) të këtij neni, do të tërhiqet me përjashtim të rastit kur ERE, para periudhës së përfundimit të afatit të përmendur në paragrafin (3), ose periudha është zgjatuar me miratimin e Sekretariatit të Komunitetit të Energjisë dhe ERE, ose ERE përmes një deklaratë të arsyetuar sic duhet, ka njoftuar Sekretariatit që e konsideron njoftimin të plotë.
- (10) Brenda dy (2) muajve nga dita e marrjes së opinionit të Sekretariatit, ERE do të marrë vendimin përfundimtar lidhur me përjashtimin e Operatorit të Sistemit të Transmetimit të Gazit, duke ju referuar në maksimum këtij opinionit. Vendimi i ERE dhe opinionit i Sekretariatit të Komunitetit të Energjisë do të publikohen së bashku.
- (11) Në rastin kur vendimi përfundimtar i ERE ndryshon nga opinionit i Sekretariatit, ERE do të sigurojë dhe publikojë së bashku me këtë vendim relacionin në lidhje me vendimin e ndryshuar dhe duhet të informojë Sekretariatit.
- (12) Vendimi përfundimtar i ERE mbi përjashtimin do të publikohet në Fletoren Zyrtare dhe në faqen e internetit të ERE.

## **Neni 7**

(Vendimi mbi përjashtimin)

- (1) ERE do të miratojë një projekt vendim mbi përjashtimin brenda 60 ditëve pas aplikimit. Para marrjes së vendimit, ERE do të konsultohet me autoritetet rregullatore përkatëse dhe aplikuesit.
- (2) Përjashtimi mund të përfshijë të gjitha ose pjesë të, përkatësisht infrastrukturës së re, ose të infrastrukturës ekzistuese me kapacitet të shtuar në mënyrë të konsiderueshme ose modifikim të infrastrukturës ekzistuese.
- (3) Kur vendoset për dhënien e përjashtimit, do të merret në konsideratë, rast pas rasti, nevoja për të vendosur kushte në lidhje me kohëzgjatjen e përjashtimit dhe aksesin jodiskriminues në interkonjektor. Kur vendoset në lidhje me kushtet në këtë paragraf,

duhet të merren parasysh, veçanërisht, kohëzgjatja e kontratave, kapaciteti shtesë që do të ndërtohet ose modifikimi i kapacitetit ekzistues, periudha kohore e projektit dhe rrethanat në vend.

- (4) Kur jepet përjashtimi, ERE vendos për rregullat dhe mekanizmat për menaxhimin dhe alokimin e kapacitetit. Rregullat kërkojnë që të gjithë përdoruesit e mundshëm të infrastrukturës të jenë të ftuar të tregojnë interesin e tyre për kapacitetin kontraktues përpara se të bëhet ndarja/alokimi i kapaciteteve në infrastrukturën e re, përfshirë ato për përdorim vetjak. ERE do të kërkojë që rregullat e menaxhimit të kongjestioneve të përfshijnë detyrimin për të ofruar një kapacitet të papërdorur në treg dhe do t'u kërkojë përdoruesve të infrastrukturës të kenë të drejtë të tregojnë kapacitetet e tyre të kontraktuara në tregun sekondar. Në vlerësimin e kritereve të përmendura në nënparagrafët a), b) dhe d) të paragrafit 1 të këtij neni, ERE do të marrë në konsideratë rezultatet e kësaj procedure të alokimit të kapaciteteve.
- (5) Projekt vendimi i përjashtimit, përfshirë kushtet e përmendura në paragrafin 4 të këtij neni, do të arsyetohet dhe publikohet në Fletoren Zyrtare. Pa zbuluar informacionin e ndjeshëm tregtar, vendimi duhet të përmbajë:
  - a) një arsyetim të detajuar mbi bazën e të cilit ERE dha ose refuzoi përjashtimin së bashku me një referencë në paragrafin 1 të këtij neni, duke përfshirë edhe dispozitat përkatëse mbi të cilat bazohet një vendim i tillë, përfshirë informacionin financiar që arsyeton nevojën e përjashtimit;
  - b) analizën e bërë për efekt konkurrence dhe funksionimin efektiv të tregut të brendshëm të gazit si rezultat i përjashtimit;
  - b) arsyet për periudhën kohore dhe pjesa e kapacitetit total të infrastrukturës në fjalë të gazit për të cilën është dhënë përjashtimi
  - ç) në rast se përjashtimi ka të bëjë me një interkonjektor, rezultati i konsultimit me vendet ose autoritetet rregullatore të përfshira;
  - d) kontributi i infrastrukturës në lidhje me shumellojshmerine e furnizimit me gaz.

## **KAPITULLI V – DISPOZITAT PËRFUNDIMTARE**

### **Neni 8**

(Mbrojtja e informacionit konfidencial)

- (1) Në rastet kur dokumentat, të dhënat dhe/ose informacionet, të paraqitura nga kërkuesi tek ERE ose tek Sekretariati, përmbajnë informacion konfidencial ose ndryshe informacion të ndjeshëm tregtar, aplikuesi duhet të tregojë qartë se cilat pjesë të dokumenteve, të dhënave dhe / ose informacionit do të konsiderohen si konfidenciale ose informacion të ndjeshëm tregëtar dhe të mos u zbulohen palëve të treta.
- (2) ERE ose Sekretariati duhet të mbrojnë informacionet konfidenciale ose informacionin e ndjeshëm tregëtar, nëse kërkohet nga aplikuesi dhe nuk do të ketë një detyrim të tillë nëse aplikuesi nuk e ka bërë kërkesën sipas paragrafit (1) të këtij neni.

### **Neni 9**

(Detyrimi)

Personat, të cilët kryejnë shkelje të kësaj Rregullore ose vendimeve përkatëse të miratuara nga ERE, do të jenë përgjegjës sipas Ligjit.

### **Neni 10**

(Zgjidhja e mosmarrëveshjeve)

- (1) Vendimi i ERE sipas kësaj Rregullore mund të apelohej në gjykatën kompetente (Gjykata e Tiranës / Gjykata Administrative).
- (2) Pa ndikuar në paragrafin 1 të këtij Neni, çdo mosmarrëveshje sipas kësaj Rregullore mund të trajtohet në mënyrë miqësore përmes pajtimit dhe negociatave midis palëve. Nëse nuk gjendet një zgjidhje brenda 30 ditëve, palët në mosmarrëveshje mund të aplikojnë për asistencë pranë Qendrës së Komunitetit të Energjisë për Zgjidhjen e Mosmarrëveshjeve dhe Negociatave.

### **Neni 11**

(Dispozitat finale)

- (1) Kjo Rregullore i nënshtrohet rishikimit dhe ndryshimit nga Bordi i ERE, në përputhje me Rregulloren për Organizimin, Funkcionimin dhe Proçedurat e ERE-s.
- (2) Kjo Rregullore, pas miratimit dhe publikimit në [Fletoren Zyrtare të Shqipërisë] do të botohet në faqen e internetit të ERE.
- (3) Interpretimi i kësaj Rregulloreje do të sigurohet dhe behet publike nga ERE në përputhje me rregullat proçeduriale.
- (4) Këto Rregulla hyjnë në fuqi datën kur ato miratohen nga ERE.